

# Sar te kidel avri le zaačhaden andro themakere kotora

## Kaj u kana hin o avrikidipen (volbi)?

Pengere hangi šaj den ča pro thana andre ČR, andre avrikidipnaskere thana andro 13 kotora, u oda ela andre ala d'ivesa:

- ✓ paraščuvine 20. septembris 2024 le 14.00 orendar dži 22.00
- ✓ sombatone 21. septembris 2024 le 8.00 orendar dži 14.00.

O avrikidipen andro kotora na džal űikhaj andro angluno foros Prahate.

## Ko šaj del o hangos?

O hangos šaj del ajsa dženo, savo hino rachimen maškar o nipos ČR u so pre leste perel sa kada:

- ✓ anglal o avrikidipen abo 21. 9. 2024 leske ela 18 berš
- ✓ hin upre gindo sar bešto manuš andro foros abo gav, save peren andro themakoro kotošoűno regijonos
- ✓ nane phandlo andre bertena
- ✓ o sudos leske na il'a leskero čačipen kijo avrikidipen
- ✓ o dochtoris vaj e higiena na phende, kaj leske kempel te avel andre izolacija
- ✓ nane sarprofesijonalno slugadžis andre aver them, abo sar slugadžis andre zaloha andre aver them
- ✓ andro avrikidipnaskero than sikhavela aktualno preukazis pal peskeri identita the pal e them, kaj perel.

## Sar som te sikhavel miri identita the hoj perav andre them ČR?

Sikhavena aktualno manušeskero preukazis, abo aktualno passportos ČR.

O okrskova avrikidipnaskere komisiji andre kale beršeskero avrikidipen mek na musaj te akceptinen, sar pes phenel, o E-preukazis.

## So rakhava pro hangoskere l'ila?

Andre sako kotor hin aver hangoskere l'ila. O hangoskere l'ila hine vaš sako jekh sera avrikididle ekstra. Pre sako hangoskero l'il hin paš aver irimen, sar pes o kotor vičinel u o numeris, so e sera andro avrikidipen chudl'a le losoha. O numera kijo seri he kijo kandidata na musaj te džan jekh pal aver.

Andre savi politicko sera vaj uprehazdl'ipen hine o kandidata, hin pro hangoskero l'il irimen chames. O l'il le charne irišagenca hin sar jekh maškar o hangoskere l'ila.

## So akor, te džan o avrikidipena jekhetanes: the andro kotora the andro Senatos?

Akor le hangoskere l'ila predal so duj avrikidipena musaj te aven butere farbenca.

Hangoskere l'ila he e oficijalno kopertka (obalka) predal o avrikidipen pro themakere kotora hine šive.

Hangoskere l'ila he e oficijalno kopertka predal o avrikidipen andro Senatos paš o Parlamentos ČR (predal o peršo avrikidipen) hine šarga.

## Sar o avrikidipen džal?

1. Andro avrikidipnaskero than chudena la okrskovo komisijatar **čuči kopertka**, pre savi ela o štemplos (oficijalno kopertka). Te tumenge kampela, ta e komisija tumen dela the hangoskere lila.
2. La oficijalno kopertkaha u le hangoskere lilenca džana pro than, kaj šaj kiden avri. Odoj **penge kisitinena hangoskero**
3. Pre avrikidlo l'il šaj den **nekhbuter štare kandidatenge angluno hangos** avka, kaj **pašal lengero numeris kerena kerekica**. Te kada kerena paš buter sar štar kandidata, ta kajse preferenciji pen na ginena upre.
4. O hangoskero l'il **thoven andre kopertka šivo farbaha** u palis la den andro avrikidipnaskero mochtu (e urma).

**But angluno:** Mišto dikhen, te hangoskere lila nane buter paš pende, kaj **te na thoven** andre kopertka **buter** lila. Tumaro hangos bi palis našti ginenas upre.

Tiš pen našti ginen upre o avrikidipnaskere lila, save nane kikidle avri pro **čačo l'il**, hine **čhinde**, nane andre **oficijalno kopertka**, vaj hine thode andre **oficijalno kopertka nalača farbaha**, sar hin pro hangoskero l'il (pre kada kampel mišto te dikhel, sar džan jekhetanes o avrikidipena andro themakere kotora the andro Senatos paš o Parlamentos ČR).

## Kampel, kaj te avav prosto pre oda than?

He, sako manuš, savo kidel avri, odoj **musaj te džal korkoro, našti vaš leske oda kerel vareko aver**.

Te vareko našti genel, abo irinel, vaj **leske na džal** vaš o nasvalipen **le hangoskere lilenca te kerel, so kampel**, šaj leha avel pro than **aver manuš**, so leske šegitinela (našti oda avel manuš khatar e okrskovo komisija). Oda manuš šaj thovel o l'il andre kopertka, vaj tiš šaj thovel e kopertka andro avrikidipnaskero mochtu.

## Šaj avel, kaj na som irimen andro registros, the avka šaj kidav avri?

He. Šaj den o hangos the akor, te na san andro aktualno registros, kajča:

- ✓ den o hangos **le avrikidipnaskere preukaziha**
- ✓ **sikhavena, kaj šaj den tumaro hangos** andre oda avrikidipnaskero than (šaj pes oda ačhol, te gejlan te bešel pro aver than).

## So te dav o hangos le avrikidipnaskere preukaziha?

Le avrikidipnaskere preukaziha šaj den o hangos pre choc savo **avrikidipnaskero than, al'e ča andro oda kotor, kaj tumen hin tumaro beštuno than**. O avrikidipnaskero preukazis **den pale la okrskovo komisijake**.

## Ko šaj del peskero hangos andro avrikidipnaskero mochtu, so pes šaj hordinel u nane andro avrikidipnaskero than?

Kada šaj mangel akor, te hin tumen čačo problemas, **oda šaj avel baro pharo nasvalipen**. Te oda džanen anglal, ta mangel pre **gaveskoro/foroskero amtos**, kaj e okrskovo komisija te avel ke tumende khere.

Kana **imar džal o avrikidipen**, ta kada šaj mangel prosto pre tumari **okrskovo avrikidipnaskeri komisija**. Ma bisteren, kaj e komisija šaj pal tumende bičhavel le manušen le avrikidipnaskere mochtuha ča andre peskero avrikidipnaskero okrskos.

## Save informaciji šaj chudena andro avrikidipnaskero than?

- ✓ O zakonos, sar pes kiden avri o zaačhade andro themakere kotora.
- ✓ **Sikhade hangoskere fīla** the o informaciji, te hin pro hangoskere fīla **vareso namišto avrikidlo**.
- ✓ O informaciji pal varesavo kandidatos, saves **ile tele** pal e kandidatka, **abo kaj korkoro na kamelas** pre kandidatka imar **te avel**. O anglune hangi („kerekicī“) predal kajso kandidatos pen imar na ginen upre. O hangos predal e sera, kaj oda kandidatos has, pes la serake ginela upre.